

223908

小倉山房詩文集

中華書局印行



小倉山房詩文集

533004

《四部備要》

集部

上海中華書局據原刻本

校刊

桐鄉 陸費逵 總勘

杭縣 高時顯 輯校

杭縣 吳汝霖 校

丁輔之 監造

版權所有不許翻印

序

爾雅疏云序者序述此經之旨也隨園先生論詩之旨一見於集中答歸愚宗伯書再見於續詩品三十二首凡古人所未道者業已自道之無俟再為序述第按其所編始弱冠終花甲四十年之行藏交際具在於斯可當康成年表讀矣晚年境愈高才愈敏欲刪去年落花殘雪諸作起鳳爭曰孤松蒼於冬時花繁於春各有其時不可廢也先生曰諾已乃並存之橫山弟子薛起鳳序

讀隨園詩題辭

我讀隨園詩古多作者我不知古今只此筆數枝怪哉公以一手持意所欲到筆注之筆所未到意草草好風搖曳春雲雲雷兩捲空分疾遲神仙龍虎雜怒嬉曲盡古木山四圍水光瀟瀟花垂垂境界起滅微乎微難達之情思思吹難狀之景歷歷追我忽歡喜忽傷悲忽叫忽躍忽嗟香口極目量心是非我身傳傳詩筆絲間我不知旁人疑如沐酥酪潤膚肌如飲醇醪沁肝脾如禮杖拂迴愚癡如受砭刺起瘡痍瘳瘳曲與林泉奇氣象入筆皆可窺高才博學嚴矩規心兵意匠極艱危歸諸自然出淋漓公曰我詩無常師取長棄短各有宜傾瀉精液擲毛皮取友求益吾無私先生天才重倫至情感人皆涕淚每值死生當別離由片言至千萬詞不少不多相授施施銷腸斷噫歎聖賢萬古情若斯否則其言傳者希我詩感公如鍼錐凡我所短攻弗遺剛濟以柔戒恣睢裁縮鍛鍊歸鍾鐺請事斯語為取達公懼弗傳誰庶幾索報懸懸命點噴壯健無疾求良醫調和血氣慎使著敢妄攻補促屈屈壯健所作者手交夷美人對鏡修容儀敘裙帶帶生光輝玉工懷璧精磨治白圭璧潔除瑕瑕淺深功力年可推江河發源無所虧及放四海寧竭衰況公遺榮樂農農忠孝所溢詩書滋後進我幸生同時願寫副本藏屢屢千秋歲月堂堂馳讀公詩者如何思館後學蔣士銓題

讀隨園詩題辭

其人與筆兩風流紅粉青山伴白頭作宦不曾逾十載及身早自定千秋羣兒漫撼蚍蜉樹此老能翻鸚鵡洲相對不禁慚飯顆杜陵詩句只牢愁

舒卷閒雲在綠霄平生出處亦超超曾遊閬苑經三島愛住金陵為六朝富貴豈如閒有味聰明也要福能消不須伯道愁無子此集人間已不稀只擬才華難離知鍛鍊深教人無寸鐵惜墨抵兼金古鬼忽然泣生龍不可擒挑燈重相對想見妙明心

館後學趙翼題

讀隨園詩題辭

憶自數歲入鄉校即聞世有才子姓袁字子才漢廷峙揚馬梁園難鄒枚斯人一出文選廢蕭統若在須別裁比長游都下結交海內英益得才翁之才與其行二十作文賦微在鴻儒班一舉擢高第供奉 玉皇前每出一篇奏已被中外萬口傳若非河滿張承吉即是洞簫王子淵鸚鵡苦羈縛三載辭 金殿隸足稍欲施四任宰江蘇江左形勝天下偉古來名士此中半臨江醉酒弔桓王開國英雄同弱冠三十未及強拂衣賦歸數金陵有遺愛遂做金陵居岸首不好飲虞卿還著書燕許兩禿翁勸應敵手謝不如更以其暇劇奇石選妙妓關華軒跌宕詞賦蘭咽管絃遂使當代鉅公貴人下逮傭僮併婦孺無不知大江以南有隨園喬也陋已極未及身作隨園客一官投嶺嶠所見生輝語啾啾或傳才翁名謂是古人今莫得忽驚將軍自天下如郭令公出回紇中丞為子官子才詩中霸子往試與語庶免為羅嚇碧虛洞與樓霞連一見握手如舊歡自言行年七十走萬里相得無如吾子賢朝遊共躡白雲屨夕歸同泛明月船岸人笑讓爭指似采石江上看請仙我詩槎枒多苦語誰其好之茹不吐才翁一呼四座驚此至誠通愈及南比疎詎所當交驚亦差樂平明來取別將往觀衡嶽中路寄我詩已據衡嶽之磅礴噫嘻戲才翁之才如天風人賴難工那得同惟有隨園數未到要便姓名先署隨園中

讀隨園詩贊

曠矣先生侔今無徒儕古少類達如劉伯倫而不好飲逸如稽叔夜而不好音樂習靜如王摩詰而不好佛恬退如賀季真而不好道以名教是非自任如韓退之而不好儒志鄧王戎而不諱好財性異阮咸而不好好色談奇俠儼疑龍

小倉山房詩集 題辭

擬蛇蟠之爲文天籟地範或謂是太白之精所化而爲文章之宗耶或謂是歲
星所寓而爲滑稽之雄耶吾莫能測之而盡其形容也 後學李憲喬題

小倉山房詩集總目

第一卷

古今體詩五十二首

第二卷

古今體詩五十四首

第三卷

古今體詩九十八首

第四卷

古今體詩八十四首

第五卷

古今體詩一百二首

第六卷

古今體詩七十二首

第七卷

古今體詩九十首

第八卷

古今體詩一百四十九首

第九卷

古今體詩七十二首

第十卷

古今體詩一百二十五首

第十一卷

古今體詩九十四首

第十二卷

古今體詩三十一首

第十三卷

古今體詩一百二首

第十四卷

古今體詩七十二首

第十五卷

古今體詩一百五十二首

第十六卷

古今體詩一百二首

第十七卷

古今體詩一百三十三首

第十八卷

古今體詩五十六首

第十九卷

古今體詩九十二首

第二十卷

古今體詩一百三十五首

第二十一卷

古今體詩七十首

第二十二卷

古今體詩六十一首

第二十三卷

古今體詩七十九首

第二十四卷

古今體詩一百二十首

第二十五卷

古今體詩一百九十首

第二十六卷

小倉山房詩集 總目

古今體詩二百七首

第二十七卷

古今體詩一百十八首

第二十八卷

古今體詩二百十九首

第二十九卷

古今體詩一百一首

第三十卷

古今體詩二百三十四首

第三十一卷

古今體詩一百三十七首

第三十二卷

古今體詩一百八十七首

第三十三卷

古今體詩一百首

第三十四卷

古今體詩一百三十二首

第三十五卷

古今體詩五十八首

第三十六卷

古今體詩二百二十五首

第三十七卷

古今體詩一百三十七首

小倉山房詩集卷一 丙辰丁巳

錢唐袁枚子才

錢唐江懷古

江上錢王舊蹟多我來重唱百年歌勤王妙選三千弩不射江湖射汴河

釣臺

夜泊釣臺旁客星如月大想見嚴子陵投竿在此坐朝隨漁翁嬉暮陪至尊臥
爲念故人重轉覺天子輕偶展榻上足乃驚天上星

書子陵祠堂

士各有志在投贈須良時乃欲臣老子張頭發狂癡巢由効孤忠唐堯何能知
當時西漢衰士氣一何卑四十二萬人尊莽稱魏魏先生隱蘆中惻然心腸悲
故人作天子臣請爲伯夷甘與子同夢伸脚路紫微贈子以不拜王丹吐傷詞
將軍有指客衛青賢可思何況亦伏符可無王者師雲臺麟鳳旁漁者張一旗
果然東漢風名節爭扶持相助爲理處於後乃見之我留壁間墨當贈先生詩

羅昭諫墓

遠望羅江氣寂寥江東遺塚草蕭蕭三生金榜無名字一卷唐詩殿本朝照壁
紅紗曾志龍隔簾嬌女罷吹簫傷心枉進英雄計花醉華堂淚未消

臨安懷古

曾把江湖當敵攻三千強弩水聲中霸才越國追勾踐家法河西做費融幸樹
重重封錦繡宮花緩緩送春風誰知苦創東周局留與平王避犬戎

吳桓王廟

擲戟神亭一笑分英雄名號尙即君南來劍脊中原色獵罷龍驚草上雲自覺
風流夸二壻有誰旗鼓副三軍千年願獻鏡歌由慢下遺愁子布聞

琵琶亭

孤亭月落九江秋彈過琵琶水尚愁今日蘆花笑詞客不曾老大已飄流

謝太傅祠

一笑翩然載酒行東山女妓亦蒼生能支江左偏安局難達中年以後情花下

殘茶兒破敵燈前老淚客彈筆荒祠隔葉黃鸝語猶似當初絲竹聲

夜渡彭蠡風浪大作

半夜顛風欺客過奪取孤舟當筵斃扼折羣驚大霧崩燈昏不辨何處破廟虎
由來勢莫停驚驚且向西南征滿眼黃泉不見路喏喏但聞龍地聲青蘆風颯
颯而止長老大呼吾生矣拍拍羣鷗扶浪起彼此相看面如紙衣裳都付旋妃
洗一身之外水而已編詩不編前甲子墮地重生從此始

野行

野行逐流水花裏得茅廬中有龍眉叟旁堆數卷書衣冠非漢魏妻子半樵漁
拱手詢名姓無言指太虛

看山

看山有所得日暮聊爲詩舟子多夷足村歌以答之江湖發天籟秋光亦平分
我歌船頭月爾歌船尾雲

涪溪碑

夷吾雖歸學社稷射姑來朝無貶詞從曰撫軍守監國古來氣嗣良如斯宋儒
不明春秋義題涪溪碑多刺譏當時明皇躍馬去五更昏黑西川駝若非靈武
張位號九州不見天皇旗望賢宮前重返蹕黃袍手著如嬰兒一醉一界早真
性此際慈孝天皆知玉真公主具尊酒上皇父老相娛嬉監奴攪擾妻戚從
此兩宮生猜疑君子原情論大義事有後累無前非魯公忠孝立人極金石脫
力尤淋漓先拜新君心并舞後望南內空淒其書罷大唐中興一頌刻山石再
書朝上皇一表鋪丹墀

長沙謁賈誼祠

江口瞻遺廟長沙最少年才雖王者佐運是漢家天屈子堪同調相如敢比肩
虛無宜室間卑濕楚江還道大功臣忘心孤鵬魚鱗三湘知數盡七國悟機先
飄泊傷靈化穠華委逝川絳蘿蟻敗壁飢鼠拱殘筵神鬼真無狀風雲合有緣
長懷夫子哲轉憶孝文賢遇合終如此功名更惘然我來剛弱冠疎第返吳船
巴陵道中

洞庭西去女郎祠來慰行人有畫眉山縣城荒關店早成樓燈遠泊船遲方言
莫辨思重譯異鳥無名愧學詩難得篇工解人意每開隱處對花枝

放懷

欲采芙蓉贈楚狂幾番漁笛聽淪淪洞庭霜淺橘全綠湘浦雨深荷暗香行色
喜逢秋八月家書孤負屬千行無端側耳鄰船泊有个人音似故鄉

書倉頡廟

黃帝上天不識字玉皇大笑人間俗特遣倉公來造作電光變開四目遠采
龍魚篆近取蝌蚪行一畫生枝葉六書加偏旁可以記名姓通九州三才萬象
相咨諏天公賜畧萬萬石厥功猶未酬千鬼何事哭啾啾上古無黎邱疑是三
王五帝之靈爽相悲愁倉公不知故賤子請致詞行公之道享公福古今惟有
尼山師與公初意無相違其餘竄經冒聖紛紛者坑之不足蔽其辜而乃辟晚
兩麻犧牲乎摩騰借此來中華侏儒僂僂盈百車學仙誤仙書白骨如糠麻此
外深文刀筆萬萬條張湯趙禹日喧譁官禮亡新室血流詛武王元凶誅孝經
妖僧道明堂董侯強解事皇義五十章穿窺大將軍脫校書郎蠹魚食盡三
萬字上天不如蜻蜒翔腐儒識之無公然搔首怨彼蒼我自與公有瓜葛亦復
咿唔如蚊蟲不能腰鑲田中騎馬沙場三升墨水非瓊漿他日餓死分所當故
鬼哭未已新鬼淚沾裳功過不相掩請公自思量公如肯補遺請公南面坐周
公右孔公左始皇在旁手把火剷除六經實諸聖黜陟百家來問我朝不必多
書野不必多儒故免一毛利天下敘明文思追唐虞再拜復椒酒臣言是與否
倉公領之不開口但見神鴉鬼馬雲中各點首

萍鄉紀事

遠望碧桃感不知何家村停舟寒裳往頗聞書聲喧柴門數學子列坐何彬彬
聞有江南客欣然喜動顏各將文章來願聞所未聞爲之小講解圍坐點頭頻
婦各具雞黍手自擎瓦尊父兄荷鋤歸亦來覲佳賓但勸客小住不知天黃昏
我乃行役者風中不定身告以勢難留紛然淚滿巾華衣送登船姓各食云云
後會知難期前途君自珍感茲醇樸意如逢義軒民方知古桃源依然在人間

但恨無緣留回頭空白雲

同金十一沛恩遊棲霞寺望桂林諸山

奇山不入中原界走入窮邊才逞怪桂林天小青山大山都立青天外我來
六月遊棲霞天風拂面吹雪花一輪白日忽不見高空都被芙蓉遮山腰有洞
五里許乘火直入衝鳥竊怪石成形千百種見人欲動爭給齒萬古不知風雨
色一羣仙鼠依爲家出穴登高望衆山茫茫雲海壓眼前疑是疊古死後不肯
化頭目手足骨節相鈎連又疑女媧氏一日七十有二變青紅隱現隨雲煙蚩
尤噴妖霧尸羅袒右肩猛士植竿髮鬼母戲青蓮我知混沌以前乾坤毀水沙
激盪風輪顯山川人物鎔在一爐內精靈騰躍有萬千彼此游戲相愛憐忽然
剛風一吹化爲石清氣既散濁氣堅至今欲活不得欲去不能只得奇形詭狀
蹲人間不然造化縱有千手眼亦難一一施雕鐫而況唐突真宰豈無罪何以
耿耿羣飛欲刺天金臺公子酌我酒聽我狂言呼否否更指奇峯印證之出入
白雲亂招手幾陣南風吹落日騎馬同歸醉兀兀我本天涯萬里人愁心忽挂
西斜月

蕭鴻詞北上辭別桂林中丞

萬里投知已千秋見偉人掃門才授實倒屣已迎賓弱冠終軍小憐才飽叔真
牛心先賜暖馬骨倍精神一春文章獻千回願誦頻百條參謁處八座散衙辰
譽我如夸寶經詩似數珍人聲齊諾諾公口尚津津詔舉通經士慚非珥筆臣
毅然標姓氏直自委 佩宸計吏爭供具材官盡擇輪轉裝錢絡繹祖錢酒溫
醇石重驚難戴風高草易春未開花獨賞久屈蟬應伸多感雲霞契能增骨肉
親窮途來阮籍有叔愛蘇秦叔健以公桂嶺三秋月長安一路塵拜辭先酒
淚圖報屢看身夫子宮墻遺男兒事業新遙聞西域國獨角貢麒麟

別常寧軍憲黃友

六千里外一奴星送我依依遠出城知己那須分貴賤窮途容易感心情離江
此後何年到別淚臨歧爲汝傾但聽郎君消息好早持信約赴神京

黃鶴樓

萬里青天月三更黃鶴樓湘簾才手捲漢水拍天流山影如爭渡漁歌半入秋
深宵無鐵笛空自泊孤舟

過洞庭

秋老一峯晴巴船過洞庭水搖天地白山入混茫雲氣飛蓬背霜花落鴈翎
今暫吟不得應外有龍聽

題柳毅祠

風雲雨帶藕絲裙素手傳箋寄雲世上女兒多誤嫁諸龍休惱洞庭君

漢江過風

風急蒲帆葉葉張蘆花飛雪打蒲相似感漢水兩猶小欲上君山浪太狂行役
自來多涉險少年何事便離鄉黃昏漸喜驚濤定遠遠漁歌唱夕陽

途中見薦草感而有作

一紙封章薦補衡秋風八月動行旌三朝曠典儒林重二十華年海內驚
懷人丹桂影瀟湘聽雨竹枝聲疏中溢美吾尤愧道有奇才應運生

赤壁

一面東風百萬軍當年此處定三分漢家火德終燒賊池上蛟龍竟得雲江水
自流秋渺渺漁燈猶照荻紛紛我來不共吹簫客烏鵲寒聲靜夜聞

峴山

浮生幾載青山酒名士常爲萬古愁雙淚偶揮羊太傅一碑如補晉春秋樓傳
黃鶴仙何在瓶解明珠水自流今日教兒天下滿襄陽片石若爲留

銅雀臺

停車欲訪魏遺宮銅雀荒涼片瓦空生對河山常感慨死猶歌舞是英雄君王
氣盡高臺酒兒女春殘甲帳風七十五來神恍惚西陵可與茂陵同

殿上歸來屢幾雙三分天下更分香一家樂府商聲老八尺燈帷鄰水涼疑家
尚存兵法意招魂只用美人妝傳心曾許諸姬嫁老去將軍話竟忘

題張睢陽廟壁

刀上蛾眉喚奈何將軍鄰境尙笙歌殘兵獨障全淮水壯士同揮落日戈六射

嶺眉渾不動一城人肉已無多而今雀鼠空啼竄暮雨飄旗冷薜蘿

大梁弔信陵君

魏王沉醉美人起羅袖無辜符取矣父仇已報國仇未妻請將符授公子翻翻
公子玉手擎深宮箭滿傳三更侯生迎來指而笑彼執權者須同行晉鄭嚙
未張口撲殺此獠如屠狗壁上高懸救趙旗精兵入萬邯鄲走坐中忽失白頭
人淋漓血作送行酒更有布衣魯仲連趨來大笑平原君一聲帝秦便蹈海
水欲立奔秦秦軍退避五十里咸陽虎狼心欲死美人壯士兼清流一齊來
與秦爲仇秦宮縱有鈞天樂不如且歌秦女休魏王醉眼終朦朧至死不愛將
軍功醉酒婦人即東海甘心一蹈真英雄吁嗟乎君不見高皇赤龍只解罵騎
馬墮前懷然下又不見張耳滅秦封王聲赫赫原是郎君門下客

牛口谷

一旅中原振鼓聲夏王仁義僵王齊空爭孤注黃河北不解連環太華西牛口
谷深天意在虎牢關失陣雲低英雄回首書生計夜夜青山杜宇啼

博浪城

真人采藥走蓬萊博浪沙連望海臺九鼎尙沉三戶起六王纔舉一椎來黃金
宮闕神仙遠白壁光陰山鬼催此日西風如力士當車還擊布幃開

潼關

路出潼河水最清當年照影見親征滿朝白面三邊議一角黃旗萬歲聲金帛
無多民已困燕雲不取禍終生行人立馬秋風裏懷惱屠王早罷兵

過鄴下弔高神武

唱罷陰山勒勒歌英雄涕淚老來多生持魏武朝天笏死授侯侯殺賊戈六鎮
華夷傳露布九龍風雨聚漳河祇今尙有清流月曾照高王萬馬過

白馬驛

清風不斷霧不生清流不斷國不傾千年古驛黃河邊鬼過猶作鳴珂聲當時
嘲賊朝門萬三千詩人骨一把已聞哀南檣青燄更見朱三來白馬迂哉幾十
四就就將門第三百年唐交與誰猶說太常卿不置崔裴物望冠中朝甘爲宮

家受一刀半夜鷄鳴孤鳳三星三丈風蕭蕭君不見太原樓下美人啼一片
凝脂刀上飛時來阿父監軍龍運去傾城名士悲又不見墜笏司空圖請兵羅
昭諫從古詩人報國心不曾一識君王面

銅駝街

洛陽銅駝昂首坐愁容似見晉宮破晉宮天子美少年教詩說禮人稱賢一局
殘棋難著手宮腰紛紛胡騎走拓弓銀研舊交情猶著青衣喚行酒板房窮
劉貴嬪往來兩受君王恩軼道早知誅孺子劍門悔不作公孫人將墮懸尤司
馬我道善淫報者寡吳蜀降王富貴終此例分明天不假君不見商臣盜路終
天年冒頓當時且配天

北魏帝移宮處

佛狸子孫土運終魚羊食人來九龍抱獅子顏如玉垂衣班朔明光宮臣澄
獻酒陛下聖忽然三拳狗脚朕此人又似不相容請別六宮無所恨握重親辭
白玉床美人泣下空斷腸三千花枝帶紅雨一齊灑向黃衣囊中有窮李賀
妃掩泣請歌曹王詩願王加餐保玉體願王永享黃髮期明知此別難相見長
歌且作須臾戀新朝司馬在旁催不送君王出屢殿碧海青天白日斜生生世
世帝王家剛送故君低忍淚便迎新主強簪花吁嗟乎如虎如龍未十年又見
灣頭乞小憐

景泰陵

兩帝當年一曲闌西山蕪草漫漫目夷守國才何大叔武迎君事本難金鎖
門高星象動玉連環小淚珠乾阿兄南內如嫌冷五國城中雪更寒

易水懷古

燕丹買匕首欲搥秦王腰仁義非不佳急則治其標一時田光輩輕死如鴻毛
荆卿慷慨行祖錢風蕭蕭長虹貫白日虎狼氣不肅可惜威陽宮殺人先露刀
股血空淋漓祖龍竟脫逃魂歸易水旁化作陰風號至今白衣冠慘慘時一遭
時來棄棄重運去阿房焦數萬英雄不如一趙高

同一百九十三人試博學鴻詞於保和殿下時班中無弱冠者諸王公都

來疑年口號以對

欄衫青入九重天岳牧科衡員半千末坐竟陪燒尾宴還來猶領大官錢
時地
試者俱 書完黃紙三千牘身到紅塵二十年家是南朝舊臨汝敢將才語向
人傳

游仙曲

子晉騎鸞去少年吹笙未敢望神仙為看難犬飛昇後轉把芙蓉笑向天
同著青裙拜木公鈞天酒散駕飛龍黃金梯滑行難上重渡銀河水一重
一雙珠履躡飛霞三變元雲日未斜聽說天門傳玉旨春寒留住早開花

駿馬行

房星下天馬出世萬怪藏形虎豹避為負河圖獻聖人呼風遠自流沙至駒齒
未落才先老四嶽三塗馳道顧影常空冀北羣圖形只覺金門好豫陽一見
驚權奇貢之天閑今駉駉黃金鑒買價難定白眼相看駉者誰驪蹄長安猶未
去青天月照麒麟步兩耳難禁暮角鳴一餐苦記施恩處 天子文明駕六龍
不愁神駿不遭逢只愁噴玉瑤池返仍化龍形入海中

吳侍御王星望先生

憐才剩有幾人存又送靈旗出郭門八十慈親扶白骨一羣稚子哭黃昏官窮
不信能添病身幾從來易感恩忍向襄陽見華屋山河回首亦消魂

送張鳳洲御史巡臺

戒外荷蘭國開疆自 本朝四圍城是海終日耳聞潮聲壓須聽馬威後借皂
雕隸書留玉陛飛盡出虹橋鼓角龍聽避妖星劍照滑甲光秋萬里刀影雷千
條古跡無唐虞奇功有管蕭風和知浪靜弦緩使弓調筆洗扶桑月花低螺女
簫裝寧資陸賈人自愛班超虎節三關重瓜期兩載遠安邊應努力莫貪侍中
招

荆卿里

水邊歌罷酒千行生戴吾頭入虎狼力盡自堪酬太子魂歸何忍見田光英雄
租錢當年淚過客衣冠此日霜七首無靈公莫恨亂山終古刺咸陽

黃金臺

東海泱泱大風猛燕王積愆何時退築臺願招英雄人黃金之高與天等臺未
築時如無人臺既築時人紛紛不知公等竟安在劇辛樂毅求成羣殘兵一隊
山東走頃刻齊亡如反手回問當年豪舉心果然值得黃金否於今蔓草榮臺
綠千年壯士尋臺哭爲道昭王今便存不報仇時臺不築

舉京兆

信當喜極翻愁艱物到難求得尙疑一日姓名京兆舉十年涕淚桂花知泥金
桂壁春來早賀客遮門月去還想見故園燈火夕老親望眼正穿時

呈座主鄧遜齋先生

忝列長名榜恭逢鄧仲華師年二十七寧王私謁少陸氏一莊夸海闊魚燒尾天高
月鑒花龍駒雖泛駕今日出公家

怕聽

采芹時節我垂髫五暴龍門尾後焦怕聽旁人夸早貴已輸十八買登朝

船上臥月作

無心推蓬看不意與月見欣然臥以觀清光懸一片白雲如覆被人面漸貼鏡
相對久忘言吾亦見吾性

小倉山房詩集卷一

小倉山房詩集卷二 己未至辛酉

錢唐袁枚子才

釋褐

學著宮袍體未安，藍衫轉覺脫時難。呼僮好向空箱疊，留作他年故舊看。

臘唱

一聲臘唱九天聞，最是三珠樹出羣。我愧牧之名第五，也隨太史看祥雲。

羣龍現林有所思，曲江風裏立多時。杏花一色春如海，他日凌波那幾枚。

瓊林曲

三月長安桃李香，一條軟繡天街新。漢朝覆試端門日，唐代題名鳳塔辰。官柳慣迎新貴馬，杏花偏拂少年人。幾隊霓裳行簇簇，瓊林苑裏春波綠。未耀頭銜七尺光，已辭墨水三升學。舊僕重談上學時，新知各寫同年錄。此時意氣似雷顛，此際連鑣涉列仙。離懷翠黛兼兼戴，牙牌金字李琪鏤。明知過眼原如夢，爭奈當場欲上天。天家待士有恩光，高唱三雍賜六韜。湯餅紅綾色，奪月御廚瓊粒影。浮霜為和仙樂碧，簫龍躍滿玉缸天。酒香不到月宮遊，那識嫦娥好不華。錦標歸誰信，驪龍巧寄語燈窗。苦志人人生此處，來宜早歸時兩餐。不替花簾懷低避，油壁車槽樣未妥。恰會聘其謀朝官，選婿家。

入翰林

弱水蓬山路幾重，今朝身到蕊珠宮。倘無秘省書教讀，已見名箋字不同。班管潤生紅藥雨，錦袍香散玉堂風。國恩豈是文章報，況復文章尚未工。

乞假歸娶留別諸同年

還鄉非耀錦衣鮮，為賦房中樂一篇。漸愧少年貧裏過，玉堂春在洞房先。暫辭鸞鴛舊班行，且逐簫聲引鳳皇。忙殺蘭臺一枝筆，半修眉史半催妝。兒時釣弋武林城，此去書窗月尚明。只恐香閣綰絲綰，鈴索索響西清。多感羣仙送暮雲，真珠密字贈紛紛。明年定步花磚早，代聽雞鳴有細君。

到家

還望蓬門樹彩竿，舉家相見問平安。同欣蘭苑榮歸早，尚說長安得信難。壁上

泥金經雨淡窗前，梅柳帶春寒。嬌癡小妹憐兄貴，教把宮袍著與看。

催妝

春明池上綠衣郎，郎曾披紅裙看欲狂。今日月宮真箇到，金蓮圍住合歡床。荆釵微綠布裙紅，自檢青箱有愧容。只好告身親手寫，替卿端正紫泥封。

題果亭小照

紅蕉翻建廊，碧苔覆陰地。樓閣圓景沉，淡淡孤霞繼。幽人倚文石，冲襟託遐寄。旁侍水精奴，左立靈臺婢。各抱綵綺琴，含情如有睇。竹涼月影生，蓮動水香至。為問秋正清，金絲可彈未。

廳上作

憶昔童孫小，曾蒙大母憐。勝衣先取抱，弱冠尚同眠。髻影紅燈下，書聲白髮前。倚嬌頻索果，逃學免施鞭。敬奉先生餅，親裝稚子綿。掌珠真護惜，軒鶴望騰騰。行樂常扶背，看花屢撫肩。親離驚寵極，姊妹妒恩偏。玉墜臘傳夕，秋風榜發天。望兒終有日，道我見無年。渺渺言猶在，悠悠歲幾遷。果然宮錦服，來拜墓門烟。返哺心雖急，含飴夢已捐。恩難酬白骨，淚可到黃泉。宿草翻殘照，秋山泣杜鵑。今宵華表月，莫向龍頭圓。

題蔣元葵進士藏書樓

傳家何者多為貴，數士之富以書對。三閣高樓如水涼，得書一卷樓皆香。我友蔣元葵，聚書如雲連。名未請宰相，署四庫已作蘭臺分。常言聚書如關寶，卿樓所有安可少。牛弘數五層閣之最，懷懣莫使淹中稷。下有人來舉手未翻先，了了我言藏書如藏嬌。毋使婦女怨，賴空病腰。與其橫陳高皮手，不觸不如世充沉水香。皇燒物在天地間，有散亦有聚。惟有書藏胸腹間，鬼難風災吹不去。我不願騎赤鯉登天門，但願化作白蟬遊此處。君聞且笑且點頭，手書金箋招客遊。不讀崔嵬五千卷，莫登弘景三層樓。

哭德山公

公姓金，諱鎮，撫廣西入都為司寇。被劾，挂冠後授河南布政使。杖窮冠受知，薦鴻博入都，事載文集神道碑。

都門秋色滿靈旗，易水風寒石獸危。海內正人朝野惜平生，知己古今悲村荒。
軟碧餘煙柳星折，中台看尾箕銅柱。功名銀管筆囊陽，還有峴山碑。

一紙黃麻照日開，千年白骨已蒿萊。朝廷不信陽城死，河北空傳寇準來。臣力
盡時無別恨，君恩深處有餘哀。西山九曲峰前水，鳴咽墳頭日幾回。

萬里呈身一少年，公然表薦九重天。方欣買置登前席，遽作羊曇哭逝川。雪
夜宮袍親手賜，桂林詩句向人傳。而今回首都成夢，問字無由到九泉。

送袁叔度同年歸蜀

長安十月朔風勁，我昔假歸君乃更。玉堂官冷不厭寒，有意欲與冰雪競。情昔
詞科報罷餘相逢，市上各躊躇。遲我十年骰子選，與君一旦天門趨。笑余聲牙
習，蟬斗略解憂羅偏。上口說怪聲驚鬼，重孤圍棋共飽手。阿兄五月茂州
來，酣嬉夜夜傾醇酒。釵挂臣衣宋玉留，帽加瓶上元季走。長安百貨日沸騰，每
逢廟市月八九。天地燦爛聲嗷嗷，爾我蹴踏泥僑偶。手招廉買喝牢盆，目眩黃
鐘嗟瓦缶。阜陽女兒名采玉，當筵一曲歌楊柳。今日臨叩負弩迎，可還杜牧尋
春否。西江會記當年來，廬山落日金盤開。將軍老樹色黯黯，仙人石洞光皚皚。
君行寒月歸已晚，河傾石瘦梅應胎。明年花發臨江渡，書眉聲裏來時路。有妻
宛爾香驄軟，有母蟠然板輿護。宮錦朝餐淡蕩煙，玉鞭晚挹淋漓露。莫遣吾曹
鄙吝生，空歌叔度來何暮。

許賓穆閣學以弔喪被勅南歸

素車縱弔張常侍，道廣何傷陳仲弓。一日蟬螭搖大樹，百年長劍挂雙峒。江湖
歲月君恩重，宦海波濤士論公。惆悵送行春，正半落花消息雨聲中。

贈歌者許雲亭

皮絃金柱小琵琶，上已浮橋阿子家。引得周郎屢回顧，長安春在一枝花。
霓裳曾已列仙班，天上重來解珮環。應是玉皇憐絕藝，特留一闕在人間。

秋夕偕元敬符訪董浦編修

早秋日落涼風發，車行轆轤隨驪脚。主人開門一笑迎，官冷身閒衫不著。日暮
難得屠門肉，相逢暫食公孫粥。主人聚書如聚米，望來兩眼清如水。老樹高涵

露氣中微燈，淡照空牀裏。回頭同憶兩年煎，燕燕堆盤雪滿肩。於今重入延秋
宅，澤暑風輕蟲在壁。翰林議論更瀾翻，公子新詩轉清絕。析聲四起心茫然，披
衣起行各欲還。出門重與故人約，莫教秋月空嬋娟。

送虞山少宰從駕熱河

秋氣肅肅邊塞來，草枯萬里鷹眼開。君王射獵順時令，從臣應須文武材。我
師早歲參機密，氣作祥雲心捧日。侍郎古樞執戟官，吏部世推大手筆。詔書
昨下明光宮，姓名首列行園中。牙旗錯落關山道，羽衛飄飄闔闔風。本朝幅
輿邁前古，熱河早關。天王土百花，匝地錦成堆。六月空山霜倒舞，大軍畢集
車煌煌。千山萬山獵火光，健兒擊獸如擊賊。將軍挽弓爭挽強，平沙列幕風雲
壯。二十八宿羅昭帳，大荒浩浩獻麒麟。來飛毛瀝雪三千丈，我師眉目秀若神。色
映塞外生清春，筆光直掩陸渾火。博物能知貳負臣，左射騶虞右經首。再拜廣
歌祈萬壽，天子親爲插彤弓。絃矢千條飽一酋，長河日落秋風起。寶劍光寒
射眸子，北望燕山似斷雲。茫茫一氣清如水，歸來輜重各紛紛。掃盡樓槍見碧
氣，起家不愧輕車尉。執法無嫌神策軍，賜第平臺高列屋。開筵把酒看黃菊，後
堂絃管應許聞樂府。新歌出塞曲。

吳崑山金質夫袁叔度夏日小集露臺得雨字

青陽載辭春赤煒，方孕暑竭來蓬萊。仙共作驚花主，宵雅既建三象戲。或格五
子玉，勿過萊茅容。但炊黍兩兩露臺登，飄飄風裳舉。簾影飛綠波，酒面點紅雨。
密樹入雲生飛禽，出烟語佳期。勿言歸月色淡如許。

送劉斯和翰林改官山右

唐時開元輕外職，班生內行如登仙。未幾祐甫作員外，乞爲別駕心怡然。朝臣
俸薄難自給，方鎮入相稱罷權。歎州刺史嫌降晚，護軍初入心悵悵。豈知官制
無今古，或清或要難周全。翰林百篇史不載，循吏一事民能傳。河東天子股肱
郡，有詔置吏需名賢。翰林劉君初入朝，命駕五馬驅蒲鞭。君拜表辭臣母
老，請歌華黍歸弄田。爲我冷官壯顏色，求者不得君真偏。枳棘教棲鸞鳳風，
霜正值飛鸞鷟。此行強飯莫強酒，從來劉錦如劉鮮。官趨官拜皆官耳，尊卑於

我無惜焉歐公勸人讀文業儒者存心慎勉旃君從赤緊報課最騰博依舊升
雲天但笑弘農太守入都日莫教我輩傳觀一大錢

少年行

春花不紅不如草少年不美不如老誰家玉貌馬上郎狹路相逢都道好金貂
之冠紫綺裘起家身襲富平侯與余握手銅龍樓衣香一過三年留阿兄侍中
郎阿弟都讓府果然才調兼文武華堂肄事一百六郊外射虎九十五公孫丞
相殿上來得邀一語心頗開星河沉沉夜漏繁會看月明不肯離強拉金吾開
九門一杯酒寄相思人吁嗟乎男兒結客女嫁夫只有江東孫伯符

代少年答

結客只結孫伯符買奴只買馮子都男兒作健貴年少安用草玄吃吃楊大夫
承君贈我詩報君知己恩三千疋絹裁百禪八百里駁供一殮猶覺寸心耿耿
難具言聞君歸娶婦送君西南走珍珠挂車頭珊瑚絡馬首忽把金鞭指君口
逢人但道李元忠海內英雄都置酒更有書數行憑君傳四方方有人願相
見先取菱花自照面

為保井公題搖鞭圖

廣陵城中花十里龍樓鳳閣參天起婆羅爭舞踏搖娘琵琶唱斷安公子公子
烟花最擅揚起家三十侍中郎羊侃人夸瓜甲夏王車馬重稠東方日出
烏啼早美人爭試絲桐好漏水能知夜短長海棠留得春多少白馬紫游羅來
避大路旁初看小垂手再彈陌上桑聽來天上回波樂誰是吳兒木石腸一聲
鞭響垂楊處人如蝴蝶花邊去不聞小海扣歌聲但見斜陽滿高樹豪竹哀絲
盡不數請君少駐再盤桓誰知望斷樓頭婦西北浮雲總不還

鼠噓戲作

二十九夜鼠噓於牀氣粉之隆視人若亡子香執之空拳怒張銜枚用兵弗驚
其走突如其來一鼠在手或曰放焉相鼠有齒鋌而走險急則噬子子食弗釋
將提其尻果然拒捕乾指血溲陣傷而退鼠乃脫逃噓子小子拒諫自雄為惡
不卒為善不終劫香乘黑侮備避凶適可而止奚至技窮戲為歌詩以儆厥躬

宋徽宗玉璽歌 有序

鄭殿揚得玉璽二一曰大觀珍珠刻最深玉粹白微滯凝鉅於火依今
尺博一寸五分一曰秘府珍玩刻稍淺如如碎巖博一寸七分俱璽龍
紐按宋史大觀二年帝御大慶殿受八寶云云然則二璽之為徽宗無
疑也不能得不能忘付之一歌

鄭君古之符璽即珍玩珍玩家獨藏朱文深入半寸許蟠龍蟠紐牙璽通天
犀劃太華雪碧桃紅灑麻姑霜千金難做今刀鑿一見如逢古帝王憶昔道君
全盛日金裝玉軸紛紛捲銅篆親成傳古圖法書聚作大觀帖黃楊春滿絳霄
宮花鳥餘閑召玉工牙牌親遞劉妃手畫譜新翻良嶽風澄心堂紙真珠網都
在雙螭品定中一朝兵掃汴城灰帝去冰天璽不隨紅羅囊罷三重盡秋月寒
生八寶輝可憐玉石無情物不念官家手澤垂於今流落眼前過千金難買愁
無那仙籙烟消寶篆存燈檠土朽冬青大幾度摩挲意倍憐宣和遺事想當年
勝逢白髮深宮女同說紅羊小劫天

題金正希先生畫達摩圖

正希先生發清興雲藍剪紙如圓鏡畫作達摩面壁形高坐枯龜呼不應泥金
鈎髮鬚尾拳側筆裁衣蟬翼動人疑道子以墨戲或道無功將佛佞以指喻馬
隔兩廬援儒入墨殊非稱誰知先生畫佛即畫心直是誠通非貌敬事惟詰極
方參玄思不出神難入聖當其為文慘淡時天外心歸功未竟顯顯專精能坐
忘維摩憔悴常示病絕無意想結空花那有風泉攪清聽眉毫秀盡腸欲流三
才萬象同參證較彼蒲團枯坐人禪理文心果誰勝寫靜者相示衆人教用思
功先練性碧山烟去月纔明秋水風停波自定文人學佛即升天才子談禪多
上乘我為增題墨數行勝補雲堂一聲磬

春寒

重裘達二月袖手步芳林殘雪有餘色百花無競心踏青苔影薄禁火客愁深
傾耳碧溪畔黃鸝遲好音
漫訝楊花落誰知是雪飛窺欄蝴蝶靜出郭酒人稀寒食名原稱東風力太微

殘冬如未了難著五銖衣

嘉靖四年酒

世間老物無不有嘉靖四年一罈酒罈面泥封字數行光祿中丞人某某署高三尺酒一尺逃盡酒魂存酒魄想見當年釀種時爛醉鉤天無醒客風如膠漆丹如霞香氣能隔十里花酒人欲飲不敢飲未染一指先千嗟我最畏飲勇忽買僂僂願逐化人舞三杯吞盡兩朝春心腹腎腸一齊古

新燕篇

誕誕燕年年二月來相見雙足能傳塞上書紅襟還帶前年線前年人去漁陽道今日鳥啼白門曉同是天涯飄泊身滿屋落花泥不掃燕語何喃喃一雙訴畫梁曾棲執戟明光殿曾伴邯鄲大道倡幾處空牀憐燕子幾番故國弔斜陽飛來飛去流年度惟有君家貧似故竹聲時遇捲簾人山色自青春兩路燕今燕今休啄矢主人與汝長居此莫嫌茅屋兩三間且學鳥生八九子

西施

吳王亡國爲傾城越女如花受重名妾自承恩人報怨捧心常覺不分明

文君

笙歌剛送采蓮舟重捲珠簾倚畫樓生就蛾眉聲更好美人只合一生愁

二番

宵行事學君王后識曲心同漢武皇含淚自尋封禪草遺書翻亂女兒箱

吳絳仙

國亡家破名公女同嫁英雄美少年絕色易逢佳偶少聽他夫婿自家憐

潘妃

家家竹葉引羊車一箇仙娥管畫魚可惜竟無書諫獵六宮在喚女相如

張麗華

玉釵生自劈楞伽尼子歸來步步花爭不荆棘加苦手教人好好作官家
景陽門外一聲鐘喚起宮娥夢正濃底事軍中書告急亂堆床下不開封
結綺樓邊花怨春青溪欄上月傷神可憐雙姐逢君子都是周南傳裏人

孫夫人

刀光如雪洞房秋信有人間作塔燈燭影搖紅郎半醉合歡床上夢荊州

玉環

五百裝裝回向寺一枝玉尺有前因緣何四海風塵日錯怪楊家等女人
可惜雲容出地遲不將蘭語訴人知唐書新舊分明在那有金錢洗祿兒

王才人

花明柳暗出宮門玉貌時時類至尊笑語百官休誤認天容英武妾溫存
身逐寒雲落葉飛三千宮女淚沾衣山陵風雪黃昏兩鬢驚珠袍從獵歸

小周后

芳草萋萋故國秋江南烟雨十三樓夢中忘記家山破猶與君王並輩遊
流珠一曲記何曾命婦班中恨不勝輸與娥皇先去好柔儀殿上望昭陵

上官婉兒

論定詩人兩首詩簪花人作大宗師至今頭白衡文者若箇聰明似女兒
意有所得輒書數句

已來即爲無未來或爲有欲知古人事便如昨日酒一日復一日流光何匆匆
幸而天下人光陰與我同

形爲萬卷累亦非達士懷不聞古神仙識字居蓬萊書堆三萬卷轉使我意乖
東之良可惜讀之不能該吾欲法祖龍一舉爲灰埃終日仰屋梁不樂胡爲哉

燕王有名馬在殿四十載忽然騎不前敵國果先敗王命圖馬形圖成而馬死
馬意名已留可以沒吾齒嗚呼士君子彼馬尚如此

落筆不經意動乃成蘇韓將文用韻耳揮霍非所難須知此兩賢騷壇別樹藩
白象或可駕朱絲未容彈畢竟詩人詩刻苦鑽心肝

題錢瑣沙編修峯青草堂圖

秘書遺裔訪湘靈手帶離騷過洞庭漢水滄舍三楚白若山分作幾船青風謠
到處書班竹烟景歸來上畫屏此日草堂秋似雪雲霧蕭瑟共誰聽

小倉山房詩集卷二